

Expediente: 203/2022

Asunto: Expediente Ordenanza taxas dereitos de exame.

ORDENANZA FISCAL DA TAXA POR DEREITOS DE EXAME.

Artigo 1. Fundamento e obxecto.

No uso das facultades contidas polos artigos 133.2 e 142 da Constitución, polo artigo 106 da Lei 7/1985, do 2 de abril, Reguladora das Bases do Réxime Local, e de conformidade có disposto no artigo 20 en relación cos artigos 15 e 19 de Texto Refundido da Lei Reguladora das Facendas Locais, aprobado por Real Decreto Legislativo 2/2004, do 5 de marzo, este Concello establece a taxa polos dereitos de exame, que estará ao establecido na presente Ordenanza Fiscal cuxas normas atenden ó previsto artigo 57 do citado texto refundido da Lei Reguladora das Facendas Locais.

Artigo 2. Feito imponible.

Constitúe o feito imponible da taxa, a actividade técnica e administrativa propicia á selección do persoal funcionario e laboral entre quen soliciten participar como aspirantes en probas de acceso ou promoción aos Corpos ou Escalas de funcionarios ou ás categorías de persoal laboral convocadas por este Concello.

Artigo 3. Suxeito pasivo.

Serán suxeitos pasivos desta taxa, tódalas persoas físicas que soliciten a inscrición como aspirantes nas probas selectivas ou de aptitude ás que se refire o artigo anterior.

Artigo 4. Responsables.

Responderán da deuda tributaria os deudores principais xunto a outras persoas ou entidades. A estes efectos consideraranse deudores principais os obrigados tributarios do artigo 35.2 da Lei 58/2003, do 17 de decembro, Xeral Tributaria. Salvo precepto legal expreso en contrario, a responsabilidade será sempre subsidiaria.

Responderán solidariamente das obrigas tributarias do suxeito pasivo as persoas físicas e xurídicas á que se refire o artigo 42 da Lei 58/2003, de 17 do decembro, Xeral Tributaria.

En relación á responsabilidade solidaria e subsidiaria da deuda tributaria estarase ao establecido, respectivamente, nos artigos 42 e 43 da Lei 58/2003, do 17 de decembro, Xeral Tributaria.

Artigo 5. Cota tributaria.

5.1. As tarefas que corresponde satisfacer polos servizos regulados nesta Ordenanza, serán as seguintes:

| | |
|-----------------------------|-------------|
| Grupo A (Subgrupos A1 e A2) | 30,00 euros |
| Grupo B | 24,00 euros |
| Subgrupo C1 | 18,00 euros |
| Subgrupo C2 | 12,00 euros |
| Agrupacións profesionais | 6,00 euros |



5.2. Dereitos de exame para probas selectivas de promoción interna para persoal funcionario, laboral temporal e bolsas de traballo:

- Liquidarase o 50% das cotas fixadas no apartado 5.1 para os distintos subgrupos e categorías.

Artigo 6. Exencións e bonificacións.

6.1. Ás cotas tributarias anteriores, seranlle de aplicación as seguintes **reduccións:**

a) Do 100 por cen, en aqueles casos nos que o suxeito pasivo sexa unha persoa que figura inscrita como **desempregado**, referida a data da publicación da convocatoria das probas selectivas no Boletín Oficial da Provincia. Para a aplicación da mencionada redución, o suxeito pasivo deberá acreditar as circunstancias descritas no párrafo anterior, mediante a presentación de certificado de desemprego, emitido polo Servizo de Emprego que corresponda.

b) Do 100 por cen, a favor de **víctimas de violencia de xénero**. Para a aplicación desta redución, o suxeito pasivo deberá aportar resolución xudicial ou orden de protección dictada a favor da vítima ou, no seu defecto, informe do Ministerio Fiscal que indique a existencia de indicios de ser vítima de violencia de xénero, ata que se dicte a orden de protección, de conformidade coa normativa vixente na materia.

c) Do 100 por cen a favor de persoas en situación de **discapacidade igual ou superior ao 33 por cento**. Para a aplicación desta redución, o suxeito pasivo deberá aportar a tarxeta acreditativa do grao de discapacidade expedida pola correspondente comunidade autónoma.

d) Do 100 por cen, a favor de membros de **familias monoparentais**. Para a aplicación desta redución, o suxeito pasivo deberá acreditar a pertenza a unha familia monoparental mediante algún dos seguintes documentos:

-Libro de familia no que conste un único proxenitor e os fillos do mesmo.

-Libro de familia onde consten os fillos e certificado de defunción do outro cónxuxe en caso de viudedade.

-Libro de familia onde consten os fillos e sentenza xudicial de separación, divorcio ou nulidade, ou de relacións paterno-filiais, sempre e cando non se establezan na mesma pensións compensatorias ou de alimentos, ou, se están establecidas, o impago das mesmas mediante sentenza, denuncia ou demanda.

-En todo caso, para as persoas aspirantes que non estén empadroadas no municipio, deberáse aportar certificado ou volante de empadronamento familiar que acredite a non convivencia con outro proxenitor ou parella de proxenitor (matrimonial ou de feito).

6.2. Están **exentas** do pago da taxa as **víctimas de terrorismo**, o cónxuxe e os seus ascendentes ou descendentes, por natureza ou adopción. Aos efectos do disfrute desta exención, equiparase o cónxuxe a quen conviva ou convivira ca vítima con análoga relación de afectividade e acredite, en tal sentido, en virtude do certificado expedido ó efecto, a súa inscrición no Rexistro de Unións de Feito da comunidade autónoma correspondente. Para a aplicación desta exención, o suxeito pasivo deberá aportar certificado emitido polo órgano competente do Ministerio do Interior, no que conste a identificación da vítima e, no seu caso, o parentesco.

6.3. Os suxeitos pasivos que, no día no que finaliza o prazo de presentación de solicitudes, teñan a condición de membros de familias numerosas conforme ao establecido na Lei 40/2003, do 18 de novembro, de Protección ás Familias Numerosas e demais normativa concordante, gozarán dunha bonificación nesta



taxa, nos seguintes términos:

a) Familias numerosas de categoría xeral: 50 por 100.

b) Familias numerosas de categoría especial: 100 por 100.

Para a aplicación desta bonificación, o suxeito pasivo deberá aportar certificado ou fotocopia do carné vixente de familia numerosa expedido polo órgano competente.

6.4. Os expresados beneficiarios fiscais non terán carácter acumulativo, polo cal, en supostos de concurrencia de diversas causas que sexan o orixe do dereito a demandar os beneficios citados, o interesado deberá optar so por un deles. No suposto de que o interesado non exercitara a opción anterior, procederase de oficio, a considerar por orden de preferencia decrecente no que encontre debidamente xustificado ou resulte máis favorable ó interesado.

Artigo 7. Devengo.

O devengo da taxa que se producirá no momento da solicitude de inscrición nas probas selectivas ou de actitude á que se refire o artigo 2, sendo preciso o pago da taxa para poder participar nas mesmas.

A taxa abonarase durante o periodo de tempo no que permanezca aberto o prazo para a presentación de solicitudes de participación, que será o determinado en cada unha das bases que rexan as convocatorias para a provisión, nos seus distintos réximes, as prazas que se oferten.

Artigo 8. Normas de xestión.

8.1. A taxa regulada nesta Ordenanza esixirase en réxime de **autoliquidación**. Os suxeitos pasivos deberán practicar autoliquidación nos impresos habilitados ao efecto pola Administración municipal e realizar o ingreso en calquera entidade bancaria autorizada, antes de presentar a correspondente solicitude de inscrición no proceso selectivo, á que se deberá acompañar o xustificante de pago da taxa; non admitíndose o pago fora de dito prazo.

8.2. A falta de pago da taxa no prazo sinalado no párrafo anterior, determinará a inadmisión do aspirante ás probas selectivas.

8.3. Ca solicitude de inscrición no proceso selectivo do que se trate, haberá de acompañarse, en todo caso, a copia da autoliquidación debidamente ingresada. No caso de que o suxeito pasivo sexa unha das persoas as que se refire o artigo 6 desta Ordenanza, deberá acompañarse a documentación que no mesmo se indica.

8.4. Cando por causas non imputables ó suxeito pasivo, a actividade técnica e/ou administrativa que constitúe o feito imponible da taxa non se realice, procederase a devolución do importe correspondente. Procederase, así mesmo, a devolución cando os ingresos declárense indebidos por resolución ou sentenza firmes ou cando se produxera unha modificación sustancial das bases de convocatoria. Polo tanto, non procederá devolución algunha dos dereitos de exame nos supostos de exclusión das probas selectivas por causa imputable ó interesado.

Artigo 9. Infraccións e sancións.

En todo o referente a infraccións e sancións, será de aplicación a Lei 58/2003, do 17 de decembro, Xeral Tributaria, en concreto os artigos 181 e seguintes, así como as súas disposicións de desenvolvemento, segundo o disposto no artigo 11 o Texto Refundido da Lei Reguladora das Facendas Locais, aprobado por o Real



Decreto Legislativo 2/2004, do 5 de marzo.

Artigo 10. Lexislación aplicable.

En todo o previsto na presente Ordenanza estarase ó disposto no Texto Refundido da Lei Reguladora das Facendas Locais, aprobado polo Real Decreto Legislativo 2/2004, do 5 de marzo, a Lei 7/1985, do 2 de abril, Reguladora das Bases de Réxime Local, a Lei 58/2003, do 17 de decembro, Xeral Tributaria, a Lei 8/1989, do 13 de abril, de Taxas e Prezos Públicos, así como na Ordenanza Fiscal Xeral aprobada por este Concello.

Disposicións Finais.

Primeira. Para todo o non expresamente regulado nesta Ordenanza, será de aplicación a lexislación vixente sobre a materia.

Segunda. A presente Ordenanza entrará en vigor ó día seguinte da súa publicación no Boletín Oficial da Provincia de Ourense”.

Vilardevós, 24 de Novembro do 2022.

O Alcalde
Asdo. Manuel Cardoso Pérez.

